



La schef-negoziadra Livia Leu visita stedi e gugent sia patria grischuna raquinta gugent da ses viadis sin l'entir mund.

FOTO MAD

La negoziadra grischuna

Dapi l'onn passà è Livia Leu la schef-negoziadra da la Svizra cun l'UE. Dentant n'è la dunna oriunda d'Arosa betg mo responsabla per las relaziuns da la Svizra cun ils vischins, mabain cun tut il mund. Ed era sch'ella è adina puspè da viadi sin tut il mund, la tiria adina puspè enavos en il Grischun.

FABIA CADUFF/RTR

Cun passentar l'uffanza ad Arosa, è *Livia Leu* disada cun temperaturas fridas. Dentant sin la dumonda quant freida che la relaziun tranter la Svizra e l'Uniun europeica saja, na vul l'avvocata da 60 onns betg duvrrar terminologias meteorologicas. «Nus ans chattain en ina perioda da transiziun, nua che nus guardain co ch'ins po puspè s'avischinar in a l'auter», di Livia Leu. Dapi che la Svizra ha declerà las negoziaziuns per ina cunvegna da basa sco mortas è l'UE ida sin distanza. La Svizra sa prepara ussa intensivamain per pudair prender si in dialog politic, declera Livia Leu.

Ina sfida – ma cun optimissem

Uschia ha il Cussegl federal era fatg il cumenzament da december ina emprima discussiun davart las relaziuns cun l'UE. Quant ditg ch'i va dentant enfin tar in ulteriur pass d'avischnaziun, na sa Livia Leu betg responder. I saja bain ina tscherta sfida, dentant restia ella optimista.

I na dettia betg in auter dossier nua che la politica d'exteriur cruschia uschè fitg era la politica interna, di la schef-negoziadra Livia Leu: «Perquai èsi impurtant che la politica cun l'UE ha era sustegn intern.» A critichers interns che

«Cun communitgar la fin da la cunvegna da basa ha il Cussegl federal fatg cler ch'ins vul preparar il dialog.»

Livia Leu, schef-negoziadra Svizra – Uniun Europeica

din che la Svizra n'haja betg in strategia per la politica cun l'UE cuntradi Livia Leu: «Cun communitgar la fin da la cunvegna da basa ha il Cussegl federal fatg cler ch'ins vul preparar il dialog ed era dar liber immediatamain la milliarda da coesiun».

Dad Arosa ora en il mund

Dapi passa 30 onns lavura Livia Leu tar la Confederaziun. Ella po guardar enavos sin

ina carriera en la diplomazia. Tranter auter è ella stada ambassadura en Frantscha e Monaco, scheffa da missiun en l'Iran nua ch'ella ha negozià per ils Stadis Unids. Livia Leu ha lavurà en l'ambassada a Cairo, en la direziun per organisaziuns internaziunalas ed è stada tar la represchentaziun permanenta da la missiun da la Svizra tar las Naziuns unidas a New York. L'interess per il mund saja vegnì sveglià tar la dunna da 60 onns en l'uffanza. Sco figlia d'ina famiglia d'hoteliers ha ella emprendì d'enconuscher persunas da tut il mund. Livia Leu: «Giasts da tut il mund eran tar nus en visita.» Sch'il negoziar vegn era da là, na sa ella dentant betg dir. Quella abilitad saja segir creschida cun l'experiencescha da vita.

Era sche Livia Leu è da viadi sin tut il mund turna ella adina puspè enavos en las muntognas grischunas. Livia Leu: «Jau vom anc regularmain ad Arosa. Mia mamma e mes frar vivan ad Arosa, uschia che nus avain là anc ina buna basa famigliara.» Ella spera era da pudair passentar in pèr bels dis d'enviern sur Nadal e Bumaun en la patria, era quest onn. Per ò cun sguard sin sia incumbensa actuala agiutescha ella: «Quants dis libers che resultan la fin dals quints quest onn, quai vesain nus lura...»